

## „Groussbuustell Einsiedlä“

*E Groussbuustell isch Einsiedlä jetz  
Chränä, Bägger und es Ghetz  
Mier chrampfed det und hend viel Spass  
Und näbebii lauft dies und das  
Buut wird – und überall stönd Wänd  
Buut wird – drum speuzed mier i d’Händ*

*Chumm hüt abig streiked mier und mached blau  
hüt isch Fasnacht  
lönd dä Hammer, Pickel und au d’Schuufnä liggä  
hüt isch Fasnacht  
Chumm hüt streiked mier und mached blau  
hüt isch Fasnacht  
ja, so isch’s – mach doch mit – dass es richtig kracht*

*Sit vielnä Jouhr sind mier am Singä  
jedes Jouhr hend mier ä Chrampf  
Hüür als Buu-Arbeiterinnä  
wo gänd uf dä Buustell Dampf  
S’isch ä strängä Job so z’buuä  
doch mier finded – Ihr all au  
Hend ä strengä Job im Läbä  
mier sind ALL – ä armi Sau*

*Ja üses ganzä Läbä isch halt – ä Riesä-Grouss-Buu-Stell  
Ä Ort wo heijbsch viel lauft – Ä Hektik generell  
Doch üses ganzä Läbä isch au – e riesägroussä Spass  
Drum simmer au jetz hiä – und singed äbe das...*

## „Hauptstrouss - Slalomlauf“

*Buuä isch es Thema und isch’s gsi  
im ganzä letschtä Jouhr  
Uf dä Welttheaterbühni  
und im ganzä Dourf, s’isch wouhr  
D’Hauptstrouss kännt mer drum au chuum meih  
überall stönd höchi Wänd  
und bim Slalom-Stroussä-Laufä  
wird eim trümmelig und eländ*

*Laufsch ufä oder abä - denn rechts denn links  
Denn ufä denn durä - denn rechts denn links  
Denn durä denn ufä - denn rechts denn links  
Denn wiiter denn durä - denn rechts denn links*

## „Beatrice Egli“

*Eini hed im letschtä Jouhr  
ei Höheflug am andrä gha  
Hed voll durestartä chönnä  
und isch nöch am Star-Sii dra  
Nei, mier meined nüd grad d’Merkel  
au nüd d’Wendy uf dä Schii  
Unser Herz brennt lichterloh  
für die Beatrice EEEgliiii*

*Mein Herz, das brennt, so lichterloh  
Für die Beatrice sowieso  
Ihr Haar so blond und apart  
Ein Geschöpf wie von der andern Art  
Mein Herz, es brennt...*

## „KKZ Zwei Raben“

*Ä Namä cha au Omen sii  
drum hend äs paar Lüüt voll studiert  
Mier benänned das Huus nüü  
und scho isch’s fast wiä renoviert  
S’KKE „zwei Rabä“ isch ä Top-Idee  
vo es paar Schlaumeier  
Doch ufs Logo passti eher  
statt zwei Rabä - groussi Geier*

*Das alte Haus am Platz  
isch früehner äs Dorfzentrum gsi  
Jetz wird äs plötzlich nobler – jetz isch äs VIPii  
(Very important Place)  
Das alte Haus am Platz chasch buechä  
mit Foyer, Bar und Saal  
s’bliibt trotz em Name alt  
und wird no älter allemal...*

## „Stangenwald obere Allmeind – Wave“

*Z’Einsiedlä simmer weltoffä  
und scho gar nöd öppä stuur,  
Kännet s’Tatsch Mahal, dä Kreml  
und au diä chinesisches Muur  
S’Weltkulturerbe wird grösser  
hie bi üs - es Monument  
Sigi weltwiit einzigartig  
dä Stangäwald bi dä Allmend*

*1 Stange Bauprofil, musst alleine stehn  
drum lud sie viele Freunde ein  
dann waren sie schon zehn  
10 Stangen Bauprofil, machten eine Welle  
Es halfen 90 weitere und 100 war’n zur Stelle  
100 Stangen Bauprofil, die fanden’s mickrig bald  
900 plus - und jetzt ist es - Naturschutz-Stangenwald*

## „Weizä - Biär“

*Ä Huufä Lüüt diä liebed Promis  
vo dä Schwiiz und äm Usland  
Sigis s’änglich Royal-Baby  
oder d’Krönig in Holland  
Üs allnä isch das furz egal  
dänn Promis sind so total stiär  
Andersch isch es dä für üs  
wenn’s gid äs nüüs Znüni-Biär*

## ZNÜNI - PAUSÄ



## „Sch(a)efer-Stündchen-Gnuss-Box“

*S’isch no nüd eso lang här  
dass dettä ds’Züri d’Pioniär  
Züglä lah hend alli "m-m-m"  
vom Sihlquai und Quartiär  
Ganz schön sauber chasch jetz "m-m"  
in’rä Box – ratzf atz  
Au bi üs hed’s ä Gnuss-Box gha  
sogar Nöichi Chlouschterplatz*

*Ich will friisches Brot vom Morge bis am Abä  
Ich will friisches Brot trotz Buustell und Buu-Grabä  
Am liebschtä scho am Morgä  
bim Schefer chasch ders bsorgä*

### **„Einsiedlerhouf“**

**Mit äm Ein-siedler-houf  
isch es äbä sonä Sach  
Sit 40 Jouhr bschärt das Thema  
Diskussionä und s'git Krach  
Mier Frauä sind pragmatisch  
und bringed ä 4. Lösig uf dä Tisch  
Muetig und au koschtägünschtig  
mier lönd's grad eso wie's isch**

*Oooooooooo Einsiedlerhouf  
oooooooooooooooooooooh Einsiedlerhouf  
Bisch grau und machsch üs Sorgä  
Und das nüd nur zur Wiehnachtsziit  
sit 40 Jouhr isch äs scho sowiit  
Oooooooooo Einsiedlerhouf  
oooooooooooooooooooooh Einsiedlerhouf  
Das tued üs gar nüd gfallä*

### **„Schulhaus Herrenmatte - Waldstatt“**

**Äs nüs Schuelhuus stout im Euthel  
und au z'Trachslau wetteds eis  
doch äs Gländ zum eis druf buuä  
ja das g'find mä eifach keis  
und öb d'Herrämattä - würkli  
Einisch - buuät - wird sii ??  
s'gäbti jetz ä nüi Lösig  
s'Reschtaurant Waldstatt wärd schiints frii**

*Ouhni Parkplätz - das isch klar  
wird diä Chundschaft nu meih rar  
Chindä bruched – jedi Wett  
Parkplätz nur für d'Trottinett*

**Ä Groussbuustell isch Einsiedlä jetz  
Chränä, Bägger und es Ghetz  
Mier chrampfed det und hend viel Spass  
Und näbebii lauft dies und das**

**Buut wird – und überall stönd Wänd  
Buut wird – drum speuzed mier i d'Händ**

**Chumm hüt abig streiked mier und mached blau  
hüt isch Fasnacht  
lönd dä Hammer, Pickel und au d'Schuuflä liggä  
hüt isch Fasnacht  
Chumm hüt streiked mier und mached blau  
Hüt isch Fasnacht  
jetzt is Schluss – mier gönd hei  
Üch ä guäti Nacht!**

### **D' HUMIRO<sup>☆</sup>SIS and Friends**

**wünsched üch allnä no  
e heijbsch dienigi Fasnacht 2014!**

**Ä härzlichä Dank üsem Publikum,  
allnä Gaschtwirt, Mit-Fasnächtler und  
„Material-Zuälieferer“ :-)**



**Unser Post-skript-IRR-tümer**  
(oder was es sonst noch zu sagen gäbe...) :

**„Fall Carlos - Berlusconi“**  
Einä muäss arg unnä durä  
will är Seich gmacht hed im Land  
Cha nümmä Luxus-Support gnüssä  
sigi z'tüür für 'öffentlich Hand  
Carlos – mach's doch wie'nä Promi  
zahlsch e chlinä Schmier-Betrag  
Und stell wie dä Berlusconi  
Ä Begnadigungsaaatrag

*Weine nicht lieber Carlos  
in der Schweiz da geht's dir gut  
Wir zahlen dir Therapien  
Bis es endlich wirken tut  
Oh Carlos*

# HUMIRO<sup>☆</sup>SIS

*and Friends*

2014

## **„Groussbuustell Einsiedlä“**



**Guckst du:**

[www.frauenchor.ch](http://www.frauenchor.ch)